

## **«Театрдың ғажайып әлемі» театр өнерінің республикалық фестиваль-байқауын өткізу ережесі**

### **1. Жалпы ережелер**

1. «Театрдың ғажайып әлемі» театр өнерінің республикалық фестиваль-байқауын (бұдан әрі – Фестиваль-байқау) өткізу қағидалары оның мақсатын, міндеттерін, оны ұйымдастыру форматын, өткізу және қорытынды шығару тәртібін анықтайды.

2. Фестиваль-байқаудың мақсаты: өскелең ұрпақты рухани-адамгершілік, эстетикалық тәрбиелеудің, тұлғаның үйлесімді дамуының факторы ретінде балалар мен жастар театр шығармашылығын қолдау және дамыту, өзін-өзі көрсетуге, әлемді эстетикалық және бейнелі түсінуге бірегей қабілеттерді қалыптастыру және дамыту.

3. Фестиваль-байқаудың міндеттері:

балалар шығармашылық бірлестіктерінде білім беру қызметінің сапасын арттыру;

өзін-өзі көрсетудің, әлемді эстетикалық және бейнелі түсінудің бірегей қабілеттерін қалыптастыру және дамыту;

сахна мәдениеті мен шеберлігінің жоғары деңгейіне жеткен балалар мен жастар театр ұжымдарын, дарынды орындаушылар мен кәсіби педагогтарды, балалар мен жастар театр ұжымдарын ұйымдастырушыларды анықтау;

балалар мен жастардың жаңа театр ұжымдарын құруды ынталандыру;

балалар мен жастардың бос уақытын сапалы ұйымдастыруға жәрдемдесу;

балалар мен жастар театр ұжымдары арасындағы шығармашылық қарым-қатынас, тәжірибе алмасу үшін жағдай жасау.

4. Фестиваль-байқауды Қазақстан Республикасы Оқу-ағарту министрлігінің тапсырмасы бойынша Республикалық қосымша білім беру оқу-әдістемелік орталығы **күндізгі (офлайн) форматта** өткізіледі.

5. Қазылар алқасы мен ұйымдастыру комитетінің құрамдарын фестиваль-байқаудың ұйымдастырушылары қалыптастырады.

### **2. Фестиваль-байқауды өткізу мерзімі мен тәртібі**

6. Байқау **2023 жылғы 13-14 қазанда** өткізіледі. Қатысушылардың келу уақыты - 2023 жылғы **12 қазан**, кету уақыты – **15 қазан**.

Өткізу орны: **Алматы қаласы**.

Облыстардың, Астана, Алматы және Шымкент қалаларының білім басқармалары басшыларының қолы қойылған ілеспе хат **2023 жылғы 25 қыркүйекке дейін** [konkurs.muz@mail.ru](mailto:konkurs.muz@mail.ru) электронды пошта бойынша қабылданады.

7. Хатқа мыналар қоса тіркеледі:

1) Фестиваль-байқаудың облыстық, Астана, Алматы және Шымкент қалалық кезендері жеңімпаздарының қатысуы туралы өтінім (Т.А., туған жылы, сыныбы, оқу орны және білім беру ұйымының мекен-жайы, телефоны);

2) қатысушылардың, топ жетекшісінің жеке басын куәландыратын құжаттардың көшірмелері, топ жетекшісінің Т.А.Ә., жұмыс орны, лауазымы, ұялы телефондары.

### **3. Фестиваль-байқаудың қатысушылары**

8. Фестиваль-байқауға жалпы орта және балаларға қосымша білім беру ұйымдарының балалар театр ұжымдары қатысады. **Күндізгі форматта** өткізілетін Фестиваль-байқауға қатысушылардың жасы – 8-17 жас.

9. Қатысушылардың жалпы саны - **153 білім алушы** (бөлу парағы қоса беріледі). Байқау өткізу кезінде өңір қатысушылардың жалпы санына кірмейтін 1 (бір) жетекші жібереді.

10. Байқау өтетін жерге барар жолда, оны өткізу кезінде және тұратын жеріне қайтар жолда балалардың өмірі мен денсаулығы үшін облыстың, Астана, Алматы және Шымкент қалаларының білім басқармасы айқындаған топ басшысы жауапты болады.

Топтың әрбір қатысушысы байқау өтетін жерге барар жолда, оны өткізу кезінде және тұрғылықты жеріне қайтар жолда өз заттарының сақталуына жауапты болады.

11. Топ басшысының жанында келесі құжаттар болуы керек:

1) білім алушыларды және топ басшыларын байқаудың республикалық кезеңіне қатысуға жіберу туралы білім беру басқармасы басшысы бұйрығының көшірмесі;

2) қатысушылар туралы мәліметтер (білім алушының Т.А. (толық), туған жылы, сыныбы, оқу орны және білім беру ұйымының мекен-жайы, үй мекен-жайы, телефоны, номинациясы, жұмыс атауы, басшының Т.А.Ә., жұмыс орны, лауазымы, ұялы телефоны);

3) топ қатысушыларының туу туралы куәлігі мен басшысының жеке басын куәландыратын құжаттардың көшірмелері (куәлік (паспорт));

4) дәрігердің қолымен және мөрімен расталған қатысушының денсаулық жағдайы туралы анықтама;

5) қатысушылардың ата-аналарының нотариалды куәландырылған сенімхаттары.

12. Облыстың, Астана, Алматы және Шымкент қалаларының әрбір делегациясында мынадай киім формасы болуы қажет: бүкіл команда үшін бірыңғай бас киім, спорт формасы, жеке гигиена заттары.

#### **4. Фестиваль-байқауды өткізудің шарттары мен тәртібі**

13. Фестиваль-байқаудың іріктеу кезеңдері:

1) бірінші кезең (іріктеу) – өңірлік:

аудандық (қалалық);

облыстық, қалалық (Астана, Алматы және Шымкент);

2) екінші кезең (қорытынды) – республикалық Фестиваль-байқау.

14. Фестиваль-байқаудың бірінші (іріктеу) кезеңін өткізу мерзімі облыстардың, Астана, Алматы және Шымкент қалаларының аудандық (қалалық) бөлімдері мен білім басқармалары басшыларының бұйрықтарымен реттеледі.

15. Байқау өңірлік кезеңдері санитариялық-эпидемиологиялық қауіпсіздік нормаларын, дезинфекция, кварцтау, желдету режимін сақтай отырып, адамдардың көп жиналуына жол бермей өткізіледі.

16. Фестиваль-байқау келесі **номинациялар** бойынша өткізіледі:

1) «Драмалық спектакль»;

2) «Музыкалық спектакль» (опера, оперетта, мюзикл, балет, данс-спектакль және т.б.);

3) «Әдеби-музыкалық композиция»;

4) «Қуыршақ қойылымы».

Ұжым спектакльдің немесе әдеби шығарманы сахналаудың мағынасы бойынша аяқталған қазақ немесе орыс тілдерінде байқау жұмыстарын ұсынады (ұзақтығы 15-20 минуттан аспайды).

17. Фестиваль-байқауды кәсіби қазылар алқасы 10 балдық жүйе бойынша бағалайды. Қазылар алқасының шешімі хаттамамен ресімделеді.

**Театр қойылымдарын бағалау критерийлері:**

режиссерлік шешімнің бірегейлігі;

қойылымның ұжымның жасына және шығармашылық мүмкіндіктеріне сәйкестігі;

спектакльді, қойылымды көркем безендіру;

спектакльдің, қойылымның музыкалық безендірілуі;

орындаушылардың актерлік шеберлігі;

орындаушылық шеберлік (дикция, интонациялау тазалығы, әртістік);

сахналық бейненің сенімділігі.

## **5. Фестиваль-байқауды қорытындылау және жеңімпаздарды марапаттау**

18. Фестиваль-байқаудың қорытындысы бойынша қазылар алқасы жеңімпаздарды анықтайды. Жеңімпаздар гран-при, I, II, III дәрежелі дипломдармен және сыйлықтармен, сондай-ақ «Үздік әйел рөлі», «Үздік ер адам рөлі», «Образды үздік актерлік бейнелеу», «Көркем сөз» номинациялары бойынша жеңімпаздардың жетекшілері алғыс хаттармен марапатталады.

Фестиваль-байқаудың барлық қатысушыларына қатысқаны туралы сертификаттар беріледі.

**Анықтама телефоны: +7 (7172) 64-75-92, +7 778 172 42 73.**

## **6. Байқауды қаржыландыру**

19. Аудандық, облыстық, Астана, Алматы және Шымкент қалаларының кезеңдерін жергілікті атқарушы органдар қаржыландырады.

20. Байқауға қатысушылардың іс-шара өткізілетін жерге бару және кері қайту жол ақысы және жолдағы тамақтануы жіберуші жақтың тарапынан төленеді.

Топ жетекшісінің іс-сапар ақысын төлеу-жіберуші тарап есебінен.

21. Байқау өткізу кезінде қатысушылардың (топ жетекшісін қоспағанда) жатын орны және тамақтануына шығыстар Республикалық бюджет есебінен қамтамасыз етіледі.

Ережеге Қосымша

«Театрдың ғажайып әлемі» театр өнерінің республикалық фестиваль-байқауына қатысуға өтінім

1	Білім беру ұйымы	
2	Театр ұжымының аталуы	
3	Театр ұжымы жетекшісінің Т. А. Ә.	
4	Жетекшінің байланыс телефоны	
5	Қатысушылар саны	
6	Спектакльдің көрсетілімінің аталуы	
7	Жанр бағыты: драма, музыка, қуыршақ, балет, пантомима; көркем сөз (керегін сызу)	
8	Шығарма авторы	
9	Спектакльдің ұзақтығы	

**Театр ұжымының тізімі**

№	Қатысушының Т.А.	Туған күні	Оқу орны, сыныбы	Тұрғылықты мекенжайы	Байланыс телефондары	Театр ұжымы жетекшісінің Т.А.Ә.	Жұмыс орны, лауазымы телефоны
1							

**Қатысушыларды бөлу парағы**

№	Облыстар мен Республикалық маңызы бар қалалар	Қатысушылар саны
1	Абай	7
2	Ақмола	8
3	Ақтөбе	7
4	Алматы	8
5	Атырау	7
6	Шығыс Қазақстан	8
7	Жамбыл	7
8	Жетісу	7
9	Батыс Қазақстан	8
10	Қарағанды	8
11	Қостанай	7
12	Қызылорда	7
13	Маңғыстау	8
14	Павлодар	8
15	Солтүстік Қазақстан	8
16	Түркістан	8
17	Ұлытау	8
18	Астана қ.	8
19	Алматы қ.	8
20	Шымкент қ.	8
		<b>153</b>